

**BOSNA I HERCEGOVINA
FEDERACIJA BOSNE I HERCEGOVINE
STOMATOLOŠKA KOMORA FEDERACIJE BOSNE I HERCEGOVINE**

P R A V I L N I K

**o kriterijima i postupku izdavanja saglasnosti za obavljanje metoda
i postupaka alternativne medicine u zdravstvenoj ustanovi odnosno
privatnoj praksi koja je registrirana za obavljanje stomatološke
djelatnosti**

Sarajevo, 08.01.2018. godine

Na osnovu člana 222. Zakona o zdravstvenoj zaštiti ("Službene novine Federacije BiH", br. 46/10 i 72), a u vezi članom 8. i članom 38. stav 3. Statuta Stomatološke komore Federacije Bosne i Hercegovine, Upravni odbor Stomatološke komore Federacije Bosne i Hercegovine, na 1. Korespondentnoj sjednici održanoj 08.01.2018 godine, d o n o s i

P R A V I L N I K

o kriterijima i postupku izdavanja saglasnosti za obavljanje metoda i postupaka alternativne medicine u zdravstvenoj ustanovi odnosno privatnoj praksi koja je registrirana za obavljanje stomatološke djelatnosti

I - OPĆE ODREDBE

Član 1.

Ovim pravilnikom se utvrđuju kriteriji i postupak izdavanja saglasnosti za obavljanje metoda i postupaka alternativne medicine u zdravstvenoj ustanovi odnosno privatnoj praksi koja je registrirana za obavljanje stomatološke djelatnosti, a saglasno odredbama Pravilnika o bližim uvjetima, načinu i postupku obavljanja metoda i postupaka alternativne medicine u zdravstvenoj ustanovi odnosno privatnoj praksi („Službene novine Federacije BiH“, broj 79/13)(u daljem tekstu: Pravilnika), kao i obaveze zdravstvene ustanove odnosno privatne prakse.

II- KRITERIJI ZA IZDAVANJE SAGLASNOSTI ZA OBAVLJANJE METODA I POSTUPAKA ALTERNATIVNE MEDICINE U PRIVATNOJ PRAKSI REGISTRIRANOJ ZA OBAVLJANJE STOMATOLOŠKE DJELATNOSTI

Član 2.

Kriteriji za izdavanje saglasnosti za obavljanje metoda i postupaka alternativne medicine u privatnoj praksi registriranoj za obavljanje stomatološke djelatnosti su slijedeći:

- da je podnosilac zahtjeva državljanin Bosne i Hercegovine/ Federacije BiH,
- da je član Stomatološke komore Federacije Bosne i Hercegovine (u daljem tekstu: Komora),
- da posjeduje važeće odobrenje za samostalan rad - licencu izdatu od Komore,
- da uredno izmiruje članarinu Komori,
- da posjeduje važeće rješenje nadležnog kantonalnog ministarstva zdravstva kojim mu se odobrava obavljanje privatne prakse u stomatološkoj djelatnosti,
- da raspolaže odgovarajućim prostorom, opremom, kao i vrstom i količinom lijekova i medicinskih sredstava za obavljanje odgovarajućih metoda i postupaka alternativne medicine saglasno čl. 8.-11. Pravilnika;
- da ima dokaz da u pogledu kadra ima najmanje jednog zdravstvenog radnika u privatnoj praksi koji ima dozvolu da je obučen za obavljanje metoda i postupaka alternativne medicine, te da je navedeni zdravstveni radnik upisan u registar odgovarajućeg stručnog udruženja alternativne medicine, ukoliko takvo udruženje postoji u Bosni i Hercegovini.

Komora zadržava pravo da u slučaju potrebe, pored kriterija utvrđenih u stavu 1. ovog člana, zatraži i dodatne podatke od podnosioca zahtjeva za izdavanje saglasnosti za obavljanje metoda i postupaka alternativne medicine u privatnoj praksi registriranoj za obavljanje stomatološke djelatnosti saglasno odredbama Pravilnika, Statuta Komore, kao i propisima donijetim na osnovu ovog Statuta.

III - POSTUPAK IZDAVANJA SAGLASNOSTI ZA OBAVLJANJE METODA I POSTUPAKA ALTERNATIVNE MEDICINE U ZDRAVSTVENOJ USTANOVI ODNOSNO PRIVATNOJ PRAKSI ZA OBAVLJANJE STOMATOLOŠKE DJELATNOSTI

Član 4.

Saglasnost za obavljanje metoda i postupaka alternativne medicine u zdravstvenoj ustanovi odnosno privatnoj praksi koja je registrirana za obavljanje stomatološke djelatnosti, izdaje Upravni odbor Komore saglasno odredbama člana 15. stav 1. alineja 4. Pravilnika, Statutu Komore, kao i ovom pravilniku.

Član 5.

Nositelj odobrenja za privatnu praksu koja je registrirana za obavljanje stomatološke djelatnosti podnosi Upravnom odboru Komore dokumentiran zahtjev za izdavanje saglasnosti za obavljanje metoda i postupaka alternativne medicine u privatnoj praksi koji podrazumjeva sljedeće:

- zahtjev u kojem se preciziraju metode i postupci alternativne medicine koji će se obavljati u privatnoj praksi saglasno članu 3. Pravilnika o bližim uvjetima, načinu i postupku obavljanja metoda i postupaka alternativne medicine u zdravstvenoj ustanovi odnosno privatnoj praksi,
- dokaz da je podnosilac zahtjeva državljanin Bosne i Hercegovine /Federacije BiH,
- važeće rješenje nadležnog kantonalnog ministarstva zdravstva kojim mu se odobrava obavljanje privatne prakse u stomatološkoj djelatnosti, uključujući i mišljenje o opravdanosti osnivanja privatne prakse izdato od Komore,
- ovjerenu izjavu da raspolaže odgovarajućim prostorom, opremom, kao i vrstom i količinom lijekova i medicinskih sredstava za obavljanje odgovarajućih metoda i postupaka alternativne medicine saglasno čl. 8.-11. Pravilnika o bližim uvjetima, načinu i postupku obavljanja metoda i postupaka alternativne medicine u zdravstvenoj ustanovi odnosno privatnoj praksi,
- dokaz o obučenosti najmanje jednog zdravstvenog radnika u privatnoj praksi koji ima dozvolu da je obučen za obavljanje metoda i postupaka alternativne medicine, te da je navedeni zdravstveni radnik upisan u registar odgovarajućeg stručnog udruženja alternativne medicine, ukoliko takvo udruženje postoji u Bosni i Hercegovini.
- drugu dodatnu dokumentaciju koju zatraži Upravni odbor Komore.

Izuzetno od stava 1. ovog člana, Upravni odbor Komore po službenoj dužnosti provjerava da je podnositelj član Komore, da li ima važeće odobrenje- licencu za rad izdatu od Komore, te da li redovno izmiruju članarinu Komori.

Član 6.

Nakon prijema dokumentovanog zahtjeva za izdavanje tražene saglasnosti za obavljanje metoda i postupaka alternativne medicine u zdravstvenoj ustanovi odnosno privatnoj praksi koja je registrirana za obavljanje stomatološke djelatnosti, vrši se pregled zahtjeva i dostavljene dokumentacije iz čl. 5. i 6. ovog pravilnika.

Ukoliko je zahtjev uredan i dokumentiran, na način predviđen ovim pravilnikom, Upravni odbor Komore dužan je, na prvoj narednoj sjednici Upravnog odbora Komore, podnosiocu zahtjeva izdati odluku o davanju saglasnost za obavljanje metoda i postupaka alternativne medicine u zdravstvenoj ustanovi odnosno privatnoj praksi koja je registrirana za obavljanje stomatološke djelatnosti saglasno odredbama člana 15. stav 1. alineja 4. Pravilnika, Statuta Komore, kao i ovog pravilnika.

Ukoliko zahtjev nije uredno dokumentiran, podnosiocu zahtjeva se upućuje akt za dopunu dokumentacije i određuje rok u kojem će se izvršiti dopuna dokumentacije.

Ako u ostavljenom roku, podnositelj zahtjeva ne izvrši dopunu istog, Upravni odbor Komore dužan je, na prvoj narednoj sjednici Upravnog odbora Komore, donijeti odluku o odbijanju davanje saglasnost za obavljanje metoda i postupaka alternativne medicine u zdravstvenoj ustanovi odnosno privatnoj praksi koja je registrirana za obavljanje stomatološke djelatnosti.

Protiv odluke Upravnog odbora Komore iz st. 2. i 4. ovog člana može se izjaviti žalba predsjedniku Komore u roku od 15 dana računajući od dana uručenja odluke.

Član 7.

Podnosilac zahtjeva snosi troškove izdavanja saglasnosti za obavljanje metoda i postupaka alternativne medicine u zdravstvenoj ustanovi odnosno privatnoj praksi koja je registrirana za obavljanje stomatološke djelatnost saglasno odredbama člana 15. stav 1. alineja 4. Pravilnika, Statuta Komore, kao i ovog pravilnika.

Upravni odbor Komore svojom odlukom utvrđuje visinu troškova za izdavanje saglasnosti za obavljanje metoda i postupaka alternativne medicine u zdravstvenoj ustanovi odnosno privatnoj praksi koja je registrirana za obavljanje stomatološke djelatnosti saglasno Pravilniku, Statutu Komore, kao i ovom pravilniku.

IV- OBAVEZE ZDRAVSTVENE USTANOVE ODNOSNO PRIVATNE PRAKSE NAKON IZDATE SAGLASNOSTI

Član 8.

Obaveza je zdravstvene ustanove odnosno privatne prakse koja je registrirana za obavljanje stomatološke djelatnosti i kojoj je saglasno odredbama Pravilnika, od strane nadležnog kantonalnog mionistarstva zdravstva rješenjem odobreno obavljanje metoda i postupaka alternativne medicine, da kopiju predmetnog rješenja dostavi Komori.

Obaveza je zdravstvene ustanove odnosno privatne prakse iz stava 1. ovog člana, da u objektu u kojem se obavlja navedena djelatnost, na vidnom mjestu, između ostalog, istakne i saglasnost Komore za obavljanje metoda i postupaka alternativne medicine, u smislu člana 9. Pravilnika.

V - PRELAZNE I ZAVRŠNE ODREDBE

Član 9.

Ovaj pravilnik stupa na snagu danom donošenja na sjednici Upravnog odbora Komore, a biti će objavljen WEB stranici Komore.

Član 10.

Upravni odbor Komore dužan je prezentirati odredbe ovog pravilnika na prvom narednom zasjedanju Skupštine Stomatološke komore Federacije Bosne i Hercegovine, a saglasno članu 30. stav 3. Statuta Stoamatološke Federacije Bosne i Hercegovine.

Broj: 01-2-17-10/18
08.01.2018. godine
S a r a j e v o

PREDSJEDNIK
UPRAVNOG ODBORA
prim.doc.dr.sc. Mirjana Duspara